

مملكة القروء

الفصل الاول

.....

يفتح الستار , المسرح ديكور منزل قديم .. يدهل الطفل زغلول

زغلول/ جميل بيت جدتي .. يا تري هو فين صندوق الكتب . هي قالت لي فين . فين . فين .. فين يا جدتي فين , اه قالت لي علي يمينك

يعثر على الصندوق ويجد بداخله كتاب شكله جميل وكبير

زغلول / الله . ده شكله جميل . اسمو ايه .. كتاب الحواديت. اما اقراه بقا ده الظاهر كده كتاب مسلي

يبدأ في القراء و ينطفئ النور و يضيء ليجد نفسه داخل الكتاب

زغلول / الله . الله . انا ازاى بقيت جوه الكتاب , وايه المكان الي انا فيه ده؟ الظاهر كده انها غابه .. يا حلاوة يا حلاوة . ايه الجمال ده . اما الغابة دي جميله بشكل . يا سلام على هدوء الطبيعه وزقزقة العصافير . الله , شجر جميل ... امال فين الحيوانات . لازم يكون في الغابة حيوانات . امال هما فين .

يبدأ زغلول في الحركة يمينا و يسارا على المسرح بحثا عن الحيوانات .. وفجأة يسمع أصوات الحيوانات قادمة

ينزوى ويختبئ وتبدأ الحيوانات في الاستعراض

..استعراض.....

..

من يمين المسرح يدخل زغلول ببطء مترقب

ينظر إليه الحيوانات بترقب شديد ..

الغزاله/ ..الحقو الحقو مين المخلوق ده

الخروف /..وايه الي جابو هنا

الحمار/ ..ده مخلوق اسمه انسان .فيه حمار قريبي كان شغال في مزرعة وحكالي عن الإنسان هو نفس الوصف ده

الارنب/ .اه هو شكله كده انسان ..اهرب ياخروف دا العيد قرب مش ضامنين الظروف

الخروف / . يخرب بيتك ليه الرعب ده بس .انتا عارف ان كلمة العيد دى لوحدها بتجيب لي انهيار عصبي

الحمار/ امال الإنسان ده جاي عندنا ليه .

الغزالة / ...طيب ما نقرب منه ونسأله

الارنب /...بص يا خروف ..أنا هاكلمة وانتا انطحو لوحسيت انه ناوي على بشر

يقترّب الارنب من زغلول ويقول انتا مين يا انسان

زغلول / مندهشا .ايه ده حيوانات بتتكلم .اماحاجه عجيبه

الحمار / .ماتأخدش في بالك عادى ياعم احنا في حكاية وطبيعي في عالم الحواديت كل الحيوانات تتكلم

الغزالة / قولي بقا ايه الي جابك عندنا وعاوزايه.

الخروف/ وهو يتحسس رقبتة اسمع انا باحذرك لو ناوي على شر هاتبهلك .اوعي تكون جزار ولا ...
هو العيد قرب و لا حاجه

زغلول/ ..ليه . انا مشعاوز اذيكم دا انا جاي لعب معاكم وبس

الغزالة / بما انك مش جاي تاذينا والدار امان يبقى قرب بقا وتعالى خلينا نتصاحب

الحمار/ . تعالى ياخروف .ما تخافش مفيش عيد ولا حاجه

يتقدم الخروف

الغزالة / خلاص هنبقا اصحاب تعالو نلعب شوية على ما بجو باقى الحيوانات

.....

مشهد ٢

يفتح الستار

زغلول / اما شوية لعب وضحك حلوين .ياسلام انما الحيوانات دول طلعو طيبين وظراف خالص ..يااه
انا تعبت من كتراللعب اما انا شوية

يجلس زغلول الي جوار شجرة ويخلع الحذاء ويضعه جانبه وينام

أثناء نوم زغلول يدخل قرد يتفاجأ يزغلول ويخاف منه ثم يقول ..ايه ده بقا ..يطلع ايه ده ..دده مش
حيوان .ده الظاهر كده انسان .

يذهب ويتشممه ويدور حوله ثم يلفت انتباهه الحذاء يتشممه ويحاول أكله ويضعه علي راسه .يحاول أن
يلبسه في يديه .يفشل واخير ايحاول أن يلبسه في قدميه تؤلمه يصرخ .ثم يحاول مره اخري فينجح
فيلبسه ..يقف و يتعثر في المشى بسبب أن الحذاء مربوط بالرباط في بعضه

القرد / ..اما حاجه تحير .ايه البتاعه العجيبة دى انا مش عارف أمشي بيها ولا اجري .امال هو كان
لابسها ازاي اما حاجه غريبه .

يستيقظ زغلول فيرى القرد .ويضطرب قليلا ثم يقول

ز غلول / مين ..فين .. وابه البتاع الي في رقبى يده (البوق) انتا مين ياأخينا

القرد / .بتخرف تقول ايه

ز غلول / .انتا مين

القرد / .انا

ز غلول / . وانا ده يطلع مين

القرد / .مش مهم انتا مين .المهم انا مين

ز غلول / .ماهو مش قصدى انا انا قصدى انتا الي مين

القرد / . ناظرا للجمهور .. هه ضيع نفسه بكلمه..هههاي ده مش عارفنى ..يتكعبل القرد في الحذاء
المربوط ببعضه

ز غلول / . ضاحكا بسخريه .. ههه معلى اعذرني الي ما يعرفك يجهلك .سلامتك قوم . ايه الي انتا
لابسه ده .. .الجزمه دي انا باشبه عليها تسمح تقلع

القرد / . "بانزعاج " .نعم ياخويا . الله اقلع ده ايه

ز غلول / .قصدى تقلع جزمى الي انتا لابسهها دى

القرد / . اخرس ماالسمعش صوتك .مادمت انتا عامل نفسك مش عارفنى . انا اعرفك ..يتعثر في
الحذاءقائلا / تعالى هنا

ز غلول / .ماقدرش امشى الشوك مالي الارض

القرد / .بتعصا امري

ز غلول / .اوامر ايه .ياعم روح

القرد / بقا كده

ز غلول / .ايوه .كده وستين كده كمان واعلى مافي خيلك اركبه

القرد / . خيلي , واركبه ليه , .انا معنديش خيل بس فيه خيل في الغابه ..مش هاركب خيل انا . احنا
قروود ماتركبش خيل

ز غلول / .قرد غبي

القرد / .مين الي غبي ياض انتا ياض

ويتحفز كل منهما ضد الآخر

يسمع صوت الأسد في الكواليس ويحتضن كل منهما الآخر ..ثم يبتعد الزئير بشكل تدريجي

القرد مرتعبا/ ..مشي

ز غلول / .ايوة

القرد / .ده الظاهر كان قريب

ز غلول / .مين

القرد / .هو

ز غلول/ . قصدك الأسد . اه عارفو ده ملك الغابه عوعو

القرد / ..مين قال الكلام ده .الظاهرانك مش عارف حاجه خالص (بعنجهيه وتكلف) هوملك الأسود
بس انما انا ...

ز غلول / ..انتا مين .. اترك حته قرد اهل تننطط فوق بالشجر .امشى شوفلك شغلانه

القرد / .انا ملك القروود ..وسع وسع .اوعي وشك (يتعثر في الحذاء ويقع)

ز غلول / .هههه قدها وقودود ياا جناب الملك

القرد / ..ايوة انا ملك القروود ونص .مش عاجبك

ز غلول/ .طبيب بس هات الجزمه دي مش لايقه عليك .دي يادوبك حته برطوشه .انتا ملك عاوز جزمة
فاخرة تليق بيك.. يالا بسرعه اقلع الجزمه .هات ناوئى بسرعه

القرد / .اخرس واسمع .

ثم يضرب القرد بروجى (صفارة)

فيدخل ستة قروود في مشية عسكريه على مارش

القرد / .انا مين ياض انت او هو

القروود/ .انتا ملك القروود وكبيرنا وزعيمنا واحنا كلنا في خدمتك .

يخرج ز غلول البوق المعلق في صدره ثم ينفخ في البوق يصدر صوت اسد بينما تصدر معه صوت اسد
حقيقي بحيث لا يعرف ز غلول انه اسد حقيقي

يهرب القروود ويظل ز غلول يسخرمنهم

الأسد الحقيقي يزمجر بينما ز غلول يقلب في البوق متعجبا ويظن ان البوق بصدرالصوت من تلقاء
نفسه قائلا/..هوالبوق عجبته اللعبه شغال مع نفسه كده ولايه

يجرب البوق مره اخري بينما الأسد اقترب وهو لايدري فيندهش من قوة الصوت .

ز غلول / هههههه الواحد بقا يعمل فيها اسد ويعيش الدور .. هههه ليهم حق يخافوو يجرو . ههه دا انا نفسي خفت .

يلتفت مخاطبا الأسد / . بذمتك انتا كمان ماخفتش . قول ماتتتكشفش عادي ياجدع ده شئ طبيعي . لما الواحد يكون في الغابه ويسمع صوت اسد

الأسد / . لا ياراجل .. الكلام ده حقيقي ولا بجد ؟

ز غلول / اه زمبرك كده وحياة العشرة ول

ويمد يده للأسد فيتوقف عن الكلام ويظل يقلب في يد الأسد . قائلا ..

ز غلول / .. هار اسوح ... عوعو .. مش كده برضو ؟

الأسد / . ايوة . شاطر .. هو كده فعلا

ز غلول / . يحتبس صوته وهو يحاول أن يتكلم

قائلا / . هو في الحقيقة .. وفي الواقع .. يعني

يزأر الأسد بقوة فيسقط ز غلول على الأرض ويحدث الأسد الجمهور

قائلا / .. انا ملك الغابه وكل الغابات ايوه انا ملك الأسود وكل الحيوانات والي يفكر بس يعصى او امري أرقشو بسناني وأخليه عبره لاي حيوان بيفكر بس يفتح بقه

....

يدخل القروء في مشيه منتظمه حاملين عصيان كانها حراب وهم في حالة تمرد وتحدي

القرء / .. اسمع ياملك الاسود

الأسد / . غاضبا . انا ملك كل الحيوانات . والكل يأتمر بامري . انتا فاهم يابتاع انتا

القرء / . بس ماتقولش بتاع ... اعصابك يا اكسلانس .. خلينا نفكر ونحلها بالراحه .. القروء يحكمها قرء والاسود يحكمها اسد .. اهي حسبه بسيطه ومحلولة

قرء آخر / . وانتا يا عم الأسد . ربح نفسك مننا . هو انتا لا مؤاخذه يعنى قرء زينا ولا تعرف حاجه عنا

قرء آخر / . ولا حتى بتاكل زي اكلنا

قرء آخر / . ده حتى ديلك مش زي ديلنا

الأسد غاضبا بقوة / . بس ما اسمعش صوتك انتا وهو .. انا ملك الغابه وكل الي اقولوتنفذوه . فاهمين

ينظر القروء لبعضهم بخوف

يكمل الأسد حديثه قائلا / ... والله ماموديني في داهيه الا قلبي الرهيف ده . اسمع يا قرد منك ليه . انا هاسيبكم في غابتي الحلوه دى , تلعبو . وتاكلو الي تحبوة من الشجر والثمر

يتقدم القرد الكبير خطوات بعنجهيه و يضع يده على كتف الأسد بغير اهتمام قائلا. / .. اسمع يا ابو السباع ما تخيلنا نتفاهم احسن . روح لاسودك وسيبني انا هنا ملك ع القروود . ده آخر كلام يا زمل

الأسد / زمل؟ انتا الظاهر نسيت نفسك

القرد .. مستبسطا بسخريه . ايوه مش ملوك زي بعض بقا ياجدع

الأسد. / ياراجل

القرد / اه زمبولك كدهو النعمه

الأسد / طب تعالالي يازمل

وتدور مطارده بين الأسد والقرد المذعور الذي يترجاه ان يصبر عليه بعد أن هربت القروود .
يتعثر القرد في رباط الجزم ويقع على الأرض

يمسك به الأسد

القرد / صبرك عليه بس يا كبير .. هو انتا ها تعمل عقلك بعقل حته قرد ولا يسوى ..

الاسد / .. ملك القروود مش كده يا زمل

القرد / .. عيل وغلط وحياتك انتا انا عيل . معاليك سيادتك ما تعرفش ولا ايه . اسال اي حد في الغابة يقولك عليه اننا عيل .. انا ولا حاجه . انا خدامك يا كبير بس ارحمنى

الاسد / .. ياتري اكلك مشوى ولا محمر ولا اعملك على صنية بطاطس

القرد / لا , بطاطس لا لحم القروود بيبقى حلو بالقلقاس

الأسد. / طب اسوى على درجة كام

القرد / . اضبط الفرن على ٢٠٠ و تخليه الفرن تلت ساعه على ماتعمل الحلو . اه . شيف شربيني قال كده

الأسد. / ... هاتغدى بيبك النهارده (هم يزمجر)

القرد / . ياعم مالك قلبتها دراما كده ليه . ياحج . روق ياعم بس وكل طلباتك مجابه . مش كده يا راجل اعصابك .. انتا الكبير برضو

الأسد. / ها هتناكل هتناكل

القرد / ارحمنى . انتا كريم واصيل والرحمه من طبع الكرام

الاسد / لا

القرد / ارحمني ممكن انفعك

الأسد./ طبعا هاتنفعني لما اكلك وتشبعني

القرد / لا لا ما هو انتا لو كلتنى النهارده بكره هاتجوع ثاني

الأسد / . ضاحكا ..الغابه مليانه من الي زيك

القرد/، .بس اسمعمني لو سبتني اعيش هاخليك تاكل وتشبع كل يوم من غير ماتتعب ولا تصطاد .ولا تتعب نفسك .انتا ملك مقامك كبير والمفروض انك تقعد مكانك وترتاح واكلك يجيك لحد عندك

الأسد. / ازاي بقا ماهو انا لازم اجري واصطاد

القرد / .انا الي هاجري وانا الي اصطاد وانتا تقعد على عرشك

الأسد/ ..ضاحكا .قرد يصطاد ازاي دى

القرد/ بس وطى صوتك.. خلينى اوشوشك عشان محدش يسمع

يقرب الأسد اذنه من فم القرد

القرد / . لو سبتنى امشي انا اضمنك كل يوم فطار بقرد سمين

الأسد / ..ازاي

القرد:/ ..دى شغلتي بقا

الأسد / ..اه . بس لو خنتني

القرد / . ازاي اخونك .هوانا اقدر

الأسد./ اذا كنت خنت اهلك مش هاتخوني انا

القرد / لا لا ياملك .انا بس باخدم الملك الي انقذ حياتي

الأسد / . اه يا خبيث ..طيب عشان محدش يعرف إتفاقنا اعمل نفسك غلبتني وهربت

القرد/ .وانا اجري

الأسد / . وانا اجري وراك كده وكده واعمل نفسي مش لاحقك

يزأر الأسد ويتمشى بعظمه كانه يستعرض قوته على القرد فريسته لاعطاءه فرصه للهرب والقرد يظهر ويفر وسط الضجه , يتظاهر الأسد بمطاردة القرد في معركة وهميه فيختبئ زغلول من المعركة

القرود تشجع كبيرها بالهتاف. يعيش ملك القروء ..اديلو على بوقوهيبه ملكنا غلب ملك الأسود ..ياويلك يا اسد ... ملك القروء انتصر

تنتهي المعركة بهروب القرد و يفاجأ الجميع بأن ذيل القرد مقطوع ومربوط في ذيل الأسد.

يتجمد المشهد

انتهى الفصل الاول

.....

الفصل الثاني

.....

يفتح الستار على نفس ديكور الغابة والحيوانات مجتمعه

زغلول/ ..اما قرد خاين صحيح ..كل يوم يبعث للأسد قرد وما يرجعش قال ايه ببيعتة برسالة للأسد
عشان يرجعوا ديلو المقطوع

قرد/ .معقول هيعمل فينا كده

زغلول/ . امال يعنى تفتكرو عدد القروود بينقص ليه

غزالة/ . ده صحيح .فعلا القروود بتنقص بس ايه عرفنا .ماهي الغابة مليانه أمراض وحيوانات مفترسه

قرد / .انا رأيي ان القروود بتنقص عشان عددها بينقص .

زغلول/ ..يعنى انتا قرد وبيقولو القرد بيْفهم زي البني ادمين وتقول الكلام ده , شكرا افدتنا افاده عظيمه
سعادتك .

قرد/ .مش انتا بتقول ببيعتهم عشان يجيبو ديلو

زغلول/ .ولحدد لوقتي مارجعش الديل

قرد../ انا ما بعنتيش وانا قاعد اهو

زغلول / .هايجي عليك الدور

قرد / .وانا ماقاليش روح

ارنب / .ما هو لو قالك روح .مش هاتلحق ترجع تحكيلنا يا ابو المفهوميه

قرد / .ليه بقا

زغلول/ .لان الي بيدخل عرين السبع برجليه مايلحقش يحكى ولايفتح بقو

قرد/ ..بص بقا يازغلول .ملكنا ملك القروود ها يصدر قانون اننا كلنا نقطع ديولنا ونبقى كلنا زي بعض
وفي الحالة دي يبقى مش محتاج يرجع ديلو من عند الأسد..ولايه

قرد / .لا لا هو قالنا ان ديلو هابطلع تاني

زغلول/ . ياسلام . وانتو بقا مصدقين هو فيه ديل ينبت من تاني ويخضر

قرد / .طبعاً لازم نصدقّه

قرد/ .لأنه اشتهر منّا

قرد /وفاهم عنّا

الحمار/ ..ضاحكا .ياخير ياخير ياقرود ياخسارة دانتو طلعتو احمر مني

الغزاله/ . هو فيه ديل ينبت تاني ياقرود يااهبل منك له .ديل القرد ماينبت تاني ولو .. ولو ..

الخروف / .ولو علقو فيه قالب

قرد/ .لا لا ده ديل الكلب مش القرد .انتا مش مذاكر كويس ياخروف

زغلول/ . الظاهر ان دماغاتكم فيها طوب مش مخ .والقرد الملك بتاعكم ده ها يوديكم في خبركان

قرد/ .اسمع .مالكش دعوة بملكنّا انتا فاهم

قرد/ .انتا ايش فهمك في امورالحيوانات دي

الغزاله/ . ده بنى ادم يعنى فاكراانه يفهم اكثرمن الحيوانات

قرد / .مغرور قوي يازغلول انتا

خروف / .اقلع البتاعه الي ف رجلك دى وانتا تفهم

قرد/ .اه من يوم مالبستها وانتا ملخبط

تنصرف القروود

زغلول / ..للجمهور ..شايقين ..شاهدين .بقا دول قروود والمفروض ان مخهم زي مخنا ..طب اعمل ايه
عشان انبههم ان ملكهم متفق مع الأسد انه يبعث كل يوم قرد منهم ياكله

يدخل قرد صغير

القرد/ ..انا مصدقك

زغلول / .صحيح

القرد/ .ايوة وفيه كتير منّا برضو مصدقيناك

زغلول/ .بتتكلم جد

القرد / .ايوة اصل انا شفت القرد الكبير سلم لابويا رساله في السر وقالو روح بيها للأسد ولحد دلوقتي
مارجعش .. وقرود كتير من صحابي حصللهم كده

زغلول / .طب ما قلتش ليه عشان يصدقوني

القرد / .. انا خفت يستهزأو بكلامي زيماء عملو معاك ويفكرونى قرد بمخ بنى ادم

زغلول / ..ماعلينا .المهم دلوقتى نتصرف ونحاول نتقذ القروء من الورطه دى

القرد / .وانا معايا صحابى قروء كتيرو مصدقين ومستعدين

زغلول / .طب روح نادى لهم بسرعه

يخرج القرد

زغلول / .. ماهى اصلها مشكله كبيره . الأسد ملك الغابه ومش هايسيب القروء تفضل تنتط كتيرو

دلوقتى بيفطر كل يوم بقرد بكره يطلب من الحمير يتغدى بحمار ومن الخرفان يتعشى بخروف .. لا لا ده موضوع ما يتسكتش عليه ابدا

يدخل القروء الصغار ومعهم الحيوانات

زغلول / .جاهزين

قرد / . احنا تحت امرك

زغلول / .احنا ها نفكر عشان خاطركم .عشان نتقذ القروء

قرد / . احنا لازم تلاقي حل ونخلص من الأسد

قرد / . احنا لازم نفضل نزعق لغاية ما نطفشه

قرد / براقو عليك أما حنة فكرة

الحمار. / انتا حمار ياقرء منك له . ده اسد هتزعق من هنا لبكرة و لا يههمه

خروف/ ايوه الحمار معاه حق

قرد / .طب نعمل ايه

زغلول / . احنا لازم نتصرف بس وحدنا ما نقدرش . لازم كل حيوانات الغابه تفهم الخطر ده وتكون معانا ايد واحده

قرد/ هه انتا بتحلّم

قرد / . لو كنت حيوان زينا مكنتش تفكر التفكير ده

قرد / معذور هو اصلو نص حيوان

الغزاله/ . لا ده مش نص حيوان ده حاجه تانيه اسمها انسان

قرد / .اه ده من غير دليل مايبقاش حيوان ولا نص حيوان ولا حتى ثلاث اربع

قرد / اصل انتا لو لك ديل زينا كنت فهمت الي احنا نفهمه

زغلول / ".يدور في المسرح"..كفاياكم نهزي ء فبه بقا , كل ده عشام بافكر معاكم وخايف على
مصلحتكم , افهموني افهموني احنا نقدر نغليه بس لو كلنا مع بعض نخط ايدينا في ايدين الحيوانات
كلها

قرد / بس الحيوانات مالهاش ايدين

زغلول/ .ماتزعلش .ايدينا في رجليهم

قرد / .صح كده

زغلول/ . طب ايه الحل

قرد/ .احنا نشوف حيوان يكون (كوي) يغلبه

زغلول/. طب ولما يتغلب من الحيوان الكوي ده تفتكرها يسبنا في حالنا

قرد / .يووه انتا بتقفلها في وشنا ليه "باكيا بطرقة كوميديه "

زغلول/ .انا عاوزك تفكر

قرد / . "يبكى بنفس الطريقة "بتقفلها ليه ..ليه

زغلول / .انا بس قصدي

قرد / . " بنفس الطريقة " .ليه ..ليه ..ليه

قرد / .. انا جالي حته فكرة احنا ننادي الفيل. ونخلية يغلب الاسد

زغلول/ .. فيل ايه وبتاع ايه .انار أيي....

قرد/. اسكت انتا ايش فهمك .اركن على جنب

قرد / .هو الفيل وبس الي هايوقف في وش الأسد

قرد / .صح وكمان فيه ميزه انه مش بياكل لحمه يعنى مش هاي فكر في يوم انه ياكلنا

الحمار/ .يخرب بيت مخك يا قرد .انتا طلعت اذكى منى, انتا عندك مخ زيي

الخروف / .جالك منين المخ ده يا حمرو

غزالة/ بس بقا اسكتو لما نشوف هانعمل ايه

قرد/ .كده تبقى اتحلت

زغلول / ..لا مالتحلتش ولا حاجه. فكرو شويه .هى ايه مصلحة الفيل انه بتخانق مع الأسد

قرد / .تاني مصمم تقفلها في وشنا

قرد / .الواد ده عاوز يحبطننا وخلص

قرد/ .سبيك منه اعمل مش شايفو و هو مش هاشوفك

قرد . / ..نادو الفيل بسرعة

الجميع / ..يافيل ..يافيل .يافيلوفلوفل .يافلافيلو .ياابوالفلافل .يافلي

يدخل الفيل فرحا وهو يرد تحيتهم

الجميع / .جيت في وقتك يا كبير

عاوزينك تحميننا لو تبقى كبيرنا وملكنا

ينسحب زغلول جانبنا

زغلول / .ما فيش فايده .تفكيرهم غلط .بس انا مش ها اياس انا لازم اثبت لهم ان القوة مش بالحجم .الحكاية مش عضلات .العقل هو الأساس

القرود/ .عاش الفيل .يحيا الفيل ..

الفيل./ اشكركم اشكركم

بينما يدخل زغلول يرفع دمية تشبه الأسد وينفخ في البوق فتهرب الحيوانات ويتعثر الفيل من الخوف فيسقط مغشيا عليه

زغلول / .ضاحكا .. تعالو شوفو الفيل الكوي . امتى هاتفهمو ان الحكاية عقل مش عضلات. هما راحو فين. هه هربو طبعا مش هاتعلمو بالساهل

يقوم الفيل يحاول أن يقف وما ان يري دمية الأسد حتى ينكمش الفيل خائفا ويتظاهر بالنوم ويشخر ويعود يرفع رأسه شيئا فشيئا حتى يطمئن ويمشى ببطء خطوة خطوة يعود مكانه ويحاول لمس الدمية وهو خائف حتى يتشجع ويمسكها و يتنهد مرتاحا ثم يضحك

الفيل / ضاحكا . ده اتخشب . اترعب منى .ان اصحيح خفت اغمى عليه .. لكن هو لما خاف مات "

يقولها ضاحكا " ده انا كده بقا اخذ راحتى ع الاخر

الفيل يدور حول دمية الاسد ويضربها بسخريه قائلا / انتا ياواد يا اسد اخرس او عى اسمع صوتك

ثم يسمع صوت زئير اسد

الفيل : اخرس . انتا ليك عين تفتح بقك

يظهر زغلول على جانب المسرح يشير اشارة تهديد ووعيد

الفيل / زعق زى ما انتا عاوز . خلاص كشتك ,انتا ولا حاجه .." ثم موجهها كلامه للجمهور "أما الحيوانات دى طلعت هبله بشكل , بقو خايفين من ده ويخلونى انا انا بجلالة قدرى اتنازل واجى عشان انقذهم منه .

يصدر صوت زئير و يدخل زغلول يحمل الدمية ويخرج بها بينما يدخل الاسد الحقيقي والفيل ينظر بعيدا

الفيل / والله ما انا باصصلك . فاكرك انك لسه هاتخوفنى بصوتك ده . يا حته اراجوز خشب

ثم ينظر الفيل للاسد الحقيقي معتقدا انه الدمية

الفيل / بس بقا . وكمان فاتحلي بقك . ورينى هنا اما اشوف فين التسجيل الي بيطلع الصوت ده " ويحاول ان يمد يده في فم الاسد ..

ثم ينتبه الى ذيل الاسد : الله واياه ديل القرد الي مربوط في ديلك ده كمان، ومركبينك شنب كمان هه يامكارين

يدخل زغلول والحيوانات يحملون معهم دمية الاسد ويحاولون تنبيه الفيل انه يتحدث الى الاسد الحقيقي دون جدوى

الفيل / عاملين واحد تاني ., والله لو عملتو 100 برضو و لايهمنى

يمسك الفيل بالدمية ويضعها الى جانب الاسد الحقيقي قائلا : تعالى جنب زميلك وبطل الصوت ده , نفسي اعرف الصوت ده بتطلعو منين . اكيد فيه جهاز تسجيل جوه

الجميع / يا فيل خلي بالك . عامل فيها شجاع وانتا مش فاهم اي حاجه

الفيل / ايه مالكم عاملين تشاورلى ليه ..دى اللعبة بتاعتى . بصو اهو بتطلع صوت . فيها تسجيل جوة بيعمل صوت

يكشف الفيل انه اسد حقيقي فيسقط في الارض . يشد ذيل الاسد بينما يدخل زغلول والقروود بالحبل ويدورو حوله حتى يربطوه

يدخل القرد الكبير مندهشا

القرد الكبير / ايه فيه ايه

القروود / خلاص غلبنا الاسد

القرد / " بفخروا عتزاز " والله برافو عليكم . طول عمري اقول الحيوانات بتاعتى شجعان وتقدر تعمل المستحيل

الحيوانات : الحيوانات بتاعتك

القرد / طبعا . ما بقاش فيه شريك ليه في الغابه . انا الملك

الحيوانات : هأو

القرد / ايه مالكم . مش خلصنا منه خلاص ايه المانع ابقى انا الملك

الاسد / اه ياخاين . انا الغلطان اني ما اكلتكش من البدايه

زغلول / تقصد ايه يا اسد

الاسد / ده خاين اهلو . كان بيبعتلي كل يوم قرد برساله عشان افطر بيه زي ما اتفقنا عشان ما اكلوش هو

القرود تدور حول القرد وتربطه قائلين : لازم تاخذ جزاء خيانتك لاهلك

زغلول / اظن دلوقتي فهمتو و عرفتو ان العقل اقوى من العضلات وان الواحد لوحدده مش ممكن يقدر يعمل حاجه الا لما يحط ايده في ايد الكل والا يبقى زي الطوبه زي صاحبنا المغمى عليه ده مشيرا للفيل

تتقدم الحيوانات لايفاظ الفيل

قوميا فيلو .. قوميا فلا فيلو ,

الفيل / ايه الي حصل هو انا غلبتو تاني و لا ايه , شوفو ربطو ازاي بس انا ما كانش معايا حبل . المهم اني ربطو وخلاص . بس الحبل ده جه منين

خلاص فهمنا الدرس , عضلات وحدها ماتنفعش لازم العقل , والخاين والكذاب مهما طال الوقت لازم هياخذ عقابه

.....